

ԵՎՐԱՍԻՅԵԳՐՈՒՄ

ԵՎՐՈՊԱԿԱՆ ԿՈՒՐՍԻ ՀԱՎԱՏԱՐՄՈՒԹՅԱՆ ԵՎ ՄԵԿ ՎԿԱՅՈՒԹՅՈՒՆ

ՎԱՐՉԱՊԵՏԻ ԿԱՐԳԱՎԻՃԱԿՈՒՄ ԻՐԱԿԼԻ ԿՈՐԱԽԻԺԵՆ ԻՐ ԱՌԱՋԻՆ ԱՅՑԸ ԿԱՏԱՐԵՑ ԲՐՅՈՒՄԵԼ

Փետրվարի 19-ին Իրակլի Կոբախիձեն Վրաստանի վարչապետի կարգավիճակում իր առաջին արտասահմանյան այցը կատարեց Բրյուսել, որտեղ մասնակցեց Վրաստան-Եվրամիություն Ասոցացման խորհրդի 8-րդ նիստին: Այցի շրջանակներում, Իրակլի Կոբախիձեն հանդիպումներ ունեցավ Եվրամիության արտաքին գործերի եւ անվտանգության քաղաքականության գերագույն ներկայացուցիչ Ջոզեֆ Բորելի, Եվրոպական հարելանության քաղաքականության եւ Եվրոպական հանձնաժողովի ընդլայնման հարցերով հանձնակատար Օլիվեր Վարհեյի, Եվրախորհրդի նախագահ Շառլ Միշելի, Եվրախորհրդարանի նախագահ Ռոբերտա Մեցոլայի հետ:



ԱՆՑԿԱՑՎԵՑ ԱՍՈՑԱՑՄԱՆ ԽՈՐՀՐԴԻ 8-ՐԴ ՆԻՍՏԸ

Բրյուսելում անցկացված Վրաստան-Եվրամի-

ություն Ասոցացման խորհրդի ութերորդ նիստում նախագահում էին Եվրամիության արտաքին քա-

(Շարունակությունը՝ 2-րդ էջում)

ԽՈՐՀՐԴԱՐԱՆ

ՇԱԼՎԱ ՊԱՊՈՒԱՇՎԻԼԻ. «ԻՇԽԱՆՈՒԹՅՈՒՆՆԵՐՆ ԱՄԵՆ ԻՆՉ ԱՐԵՅԻՆ ՀԱՄԱՃԱՐԱԿԸ, ՊԱՏԵՐԱՅՐԸ, ԱՐՄԱՏԱԿԱՆՈՒԹՅՈՒՆԸ ԶԵՆՈՔԱՅՆԵԼՈՒ ՀԱՄԱՐ»

ԽՈՐՀՐԴԱՐԱՆԻ ՆԱԽԱԳԱՐՆ ԱՄՓՈԹԵՑ 2023 ԹՎԱԿԱՆԻՆ ԿԱՏԱՐԱԾ ԱՇԽԱՏԱՆՔԸ



Փետրվարի 22-ին Վրաստանի խորհրդարանի նախագահ Շալվա Պապուաշվիլին օրենսդիր մարմնին ներկայացրեց 2023 թվականին կատարած աշխատանքներն ու խոսեց այն մարտահրավերների մասին, որոնց առերեսվել են Վրաստանի իշխանությունները 10-րդ գումարման խորհրդարանի հետ միասին:

Նրա խոսքով, դա համաճարակն էր, Ռուսաստանի ագրեսիան՝ Ուկրաինայի դեմ, երբ Վրաստանը կանգնած էր համաշխարհային կոնֆլիկտի մեջ ներքաշվելու եւ արմատական ընդդի-

մության հետ գործ ունենալու պատմական վտանգի առաջ, որը, Շալվա Պապուաշվիլի զնախատմամբ, դարձավ երրորդ ամենամեծ սպառնալիքը երկրի համար:

(Շարունակությունը՝ 3-րդ էջում)

ՇՆՈՐՀԱՎՈՐՈՒՄ ԵՆՔ

«ԲԻԶԻՆԱ ԻՎԱՆԻՇՎԻԼԻՆ ՄԵԾ ՀԱՅՐԵՆԱՍԵՐ Է ԵՎ ՔԱՂԱՔԱԿԱՆՈՒԹՅԱՆ ԳՐՈՍՄԱՅՍՏԵՐ»



Վրաստանի վարչապետ Իրակլի Կոբախիձեն սոցցանցում շնորհավորական ուղերձ է հղել «Վրացական երազանք-ժողովրդավարական Վրաստան» կուսակցության հիմնադիր եւ պատվավոր նախագահ, Վրաստանի նախկին վարչապետ Բիծինա Իվանիշվիլի ծննդյան օրվա առիթով:

«Տարիներ շարունակ Բիծինա Իվանիշվիլին աննախադեպ բարեգործությամբ հոգացել է վրացական մշակույթի եւ ինքնության պահպանման մասին, իսկ 2012 թվականին աննախադեպ քա-

ղավարություն, տնտեսական առաջընթաց, եւ երկիրը ստացել է ԵՄ անդամության թեկնածուի կարգավիճակ, առաջին հերթին, Բիծինա Իվանիշվիլի վաստակն է:

Բիծինա Իվանիշվիլին մաղթում եմ երկարակեցություն, առողջություն, ամենայն բարիք՝ իր հարգարժան ընտանիքի հետ միասին»,- գրել է Իրակլի Կոբախիձեն սոցցանցում:

«Վրաստան» թերթի խմբագրությունը, Թբիլիսիի Պետրոս Աղամյանի անվան պետալոգրամայի թատրոնը միանում են Բիծինա Իվանիշվիլի ծննդյան օրվա առիթով բարենաղթանքներին եւ առողջություն, երկարակեցություն ու հասարակական-քաղաքական ասպարեզում նորանոր հաջողություններ մաղթում բարեգործ, հայտնի քաղաքական գործիչ Բիծինա Իվանիշվիլուն:

ղաքական բարեգործություն է իրականացրել ու ամենամեծ ռիսկի գնով հակաեվրոպական ավտորիտարիզմը փոխարինել ժողովրդավարական կառավարմամբ:

Բիծինա Իվանիշվիլին Վրաստանի մեծ հայրենասեր է եւ քաղաքականության գրոսմայստեր: Բազմիցս նշվել է եւ պետք է նորից ասել. այն, որ այսօր Վրաստանն ունի խաղաղություն, ժողովր-

ՀԱՅԱՍՏԱՆ

ՀԱՅ-ՖՐԱՆՍԻԱԿԱՆ ՀԱՐԱԲԵՐՈՒԹՅՈՒՆՆԵՐԸ ԱՌԱՋՆԱՀԱՏՈՒԿ ԴԻՆԱՄԻԿ ՓՈԽԼՈՒՄ ԵՆ

Փետրվարի 21-ին Հայաստանի վարչապետ Նիկոլ Փաշինյանը, Ֆրանսիայում երկօրյա աշխատանքային այցի շրջանակներում, հանդիպում ունեցավ Ֆրանսիայի նախագահ Էմանուել Մակրոնի եւ Սեմատի նախագահ ժեռար Լարշեի, վարչապետ Գաբրիել Ատալի, Փարիզի քաղաքապետ Անն Իդալգոյի հետ:



Փարիզի Ելիսեյան պալատում կայացած Ֆրանսիայի նախագահի հետ հանդիպմանը կողմերը քննարկեցին Հայաստան-Ֆրանսիա բազմոլորտ համագործակցության հետեւողական զարգացմանն ու ամրապնդմանն ուղղված, Հարավային Կովկասի տարա-

ծաշրջանում տեղի ունեցող գործընթացներ եւ երկուստեք հետաքրքրություններ կայացնող այլ թեմաներ: Գոհունակությամբ նշեցին երկկողմ հարաբերությունների զարգացման առանձնահատուկ դինամիկան:

(Շարունակությունը՝ 7-րդ էջում)

ԱՅՑ ՊԱՏՐԻԱՐՔԱՐԱՆ

ԻՐԱԿԼԻ ԿՈՐԱԽԻԺԵՆ ԱՅՑԵԼԵՑ ԻԼԻԱ ԵՐԿՐՈՐԴԻՆ

Վրաստանի վարչապետի մամուլ ծառայությունը հաղորդագրություն է տարածել, ըստ որի, փետրվարի 18-ին Վրաստանի վարչապետ Իրակլի Կոբախիձեն Պատրիարքարանում հանդիպել է Հայաստանի Կաթողիկոս-Պատրիարք Իլիա Երկրորդին:

Վարչապետի մամուլի ծառայությունից հայտնում են, որ պատրիարքը եւ վարչապետը զրուցել են երկրի զարգացման, «Եկեղեցի-պետություն» հարաբերություններին առնչվող հարցերի շուրջ:

Նրանց հաղորդմամբ, Կաթողիկոս-Պատրիարքը եւս մեկ անգամ շնորհավորել է Իրակլի Կոբախիձեին նշանակման կապակցությամբ:



ԱՎԱՆԴՈՒՅԹ

«ՄԱՅՐԵՆԻ ԼԵՉՎԻ ՄԻՋԱԶԳԱՅԻՆ ՕՐՎԱ» ԱՌԻԹՈՎ ՊԱՐԳԵՎՆԵՐ՝ ԳԻՎԻ ՀԱՆՆԱԶԱՐԻՆ ՈՒ ՎԱՆ ԲԱՅԲՈՒԹՅԱՆԻՆ

Փետրվարի 21-ին, Թբիլիսիի սակրեբուլոյի (ժողովարան) Թամար թագուհու անվան դահլիճում, սակրեբուլոյի ու պետական լեզվի դեպարտամենտի նախաձեռնությամբ եւ սակրեբուլոյին առընթեր ազգային փոքրամասնությունների խորհրդի աջակցությամբ, տեղի ունեցավ հանդիսավոր երեկո՝ նվիրված «Մայրենի լեզվի միջազգային օրվան»:

- Այսօր առանձնակի հպարտանում ենք, որ մեր վրաց լեզուն հնագույն եւ գեղեցիկ լեզուներից մեկն է: Վրաստանը բազմազգ երկիր է, եւ վրաց լեզվի զարգացման գործում մեծ ավանդ են ներդրել



(Շարունակությունը՝ 4-րդ էջում)

ԵՎՐԱՍԻՆՏԵԳՐՈՒՄ

ԵՎՐՈՊԱԿԱՆ ԿՈՒՐՍԻ ՀԱՎԱՏԱՐՄՈՒԹՅԱՆ ԵՎ ՄԵԿ ՎԿԱՅՈՒԹՅՈՒՆ

(Սկզբը՝ 1-ին էջում)

ղաքականության դեպարտամենտի ղեկավար Ջոզեֆ Բորելը եւ վրացական պատվիրակության ղեկավար, Վրաստանի վարչապետ Իրակլի Կոբախիձեն:

Նիստին քննարկվեցին Եվրամիության հետ Վրաստանի ասոցացումը, քաղաքական երկխոսությունն ու բարեփոխումները, տնտեսական եւ ոլորտային համագործակցությունը, առևտրի եւ հարակից հարցերն ու համարադրությունների խաղաղ կարգավորումը:

Հանդիպմանը Եվրամիության եւ Վրաստանի ներկայացուցիչները մտքեր փոխանակեցին արտաքին եւ անվտանգության քաղաքականության, մասնավորապես՝ տարածաշրջանային խնդիրների ու անվտանգության եւ պաշտպանության ոլորտում համագործակցության շուրջ:

ԱՍՈՑԻԱՑՄԱՆ ԽՈՐՀՈՒՐԴ ՈՂՋՈՒՆՈՒՄ Ե ՎՐԱՍՏԱՆԻ ԹԵԿՆԱԾՈՒԻ ԿԱՐԳԱՎԻՃԱԿԻ ՀԱՆՁՆՄԱՆ ԵՎՐԱՄԻՈՐՅՈՒՊԻ ՊԱՏՄԱԿԱՆ ՈՐՈՇՈՒՄԸ

Վրաստան-Եվրամիություն Ասոցացման խորհրդի 8-րդ նիստի ավարտից հետո, հրապարակվեց հայտարարություն, ըստ որի, խորհուրդը Վրաստանին կոչ է անում ավարտել ընտրական օրենսդրության բարեփոխումը մինչև 2024 թվականի ընտրությունները:

Հայտարարության մեջ Ասոցացման խորհուրդը նաեւ ընդգծում է, որ Վրաստանը պետք է ապահովի պետական կառույցների լիակատար անկախությունը, հաշվետվողականությունը ու անկողմնակալությունը Վենետիկի հանձնաժողովի եվրոպական չափանիշներին եւ առաջարկություններին համապատասխան, հատկապես՝ դատարաններում, դատախազություններում, հակակոռուպցիոն եւ ֆինանսական հաստատություններում:

Ասոցացման խորհուրդը նաեւ մշել է Վրաստանը պետք է էապես մեծացնի համապատասխանությունը ԵՄ ընդհանուր արտաքին ու անվտանգության քաղաքականությանը եւ սահմանափակող միջոցներին: ԵՄ-ն ողջունել է Վրաստանի ակտիվ ներգրավվածությունը եւ կառուցողական համագործակցությունը Ռուսաստանի դեմ ԵՄ պատժամիջոցների շրջանցումը կանխելու համար:

Ասոցացման խորհուրդը ողջունել է Եվրոպական խորհրդի պատմական որոշումը՝ Վրաստանին թեկնածու երկրի կարգավիճակ շնորհելու վերաբերյալ, հաշվի առնելով, որ կիրականացվեն Եվրահանձնաժողովի հանձնարարականով նախատեսված ինը քայլերը: Սա ԵՄ-Վրաստան հարաբերությունները հասցրեց նոր ռազմավարական մակարդակի,- այս մասին ասված է ԵՄ-Վրաստան Ասոցացման խորհրդի 8-րդ նիստից հետո հրապարակված փաստաթղթում:

ԻՐԱԿԼԻ ԿՈԲԱԽԻԶԵ. «ՎՐԱՍՏԱՆԸ 2030 ԹՎԱԿԱՆԻՆ ՊԱՏՐԱՍ ԿԼԻՆԻ ԱՆԴԱՄԱԿՑԵԼ ԵՎՐԱՄԻՈՒԹՅԱՆԸ»

ԵՄ արտաքին քաղաքականության եւ անվտանգության քաղաքականության գերագույն ներկայացուցիչ Ջոզեֆ Բորելի ու Եվրոպական հարեւանության քաղա-

քականության եւ ընդլայնման հարցերով Եվրահանձնակատար Օլիվեր Վարհեյի հետ համատեղ ասուլիսին Վրաստանի վարչապետ Իրակլի Կոբախիձեն հայտարարեց, որ Վրաստանը 2030 թվականին պատրաստ կլինի անդամակցել Եվրամիությանը:

- Մի բան կարելի է ասել. մենք հավակնոտ ծրագրեր ունենք Վրաստանի՝ Եվրամիությանն ինտեգրվելու համար: 2030 թվականին, որը Եվրոպական խորհրդի նախագահ Շառլ Միշելն անվանել է ընդլայնման տարի, մյուս թեկնածու երկրների համեմատ, Վրաստանն ավելի պատրաստ կլինի անդամակցությանը: Մենք ունենք հավակնոտ ծրագիր, եւ հավատարիմ ենք անդամակցության համար անհրաժեշտ բարեփոխումների ծրագրին,- մշեց Իրակլի Կոբախիձեն:

Իր հերթին, Եվրոպական հարեւանության քաղաքականության եւ ընդլայնման հարցերով Եվրահանձնակատար Օլիվեր Վարհեյը հայտարարեց, որ թեկնածուի կարգավիճակը, որը Վրաստանին շնորհվել է երկու ամիս առաջ, արդեն ցույց է տալիս իր առավելությունները:

- Դա դիվիդենդներ է բերում ոչ միայն Վրաստանին ու վրաց ժողովրդին, այլեւ Եվրամիությանը,- ասաց Օլիվեր Վարհեյը:

ԿՈԲԱԽԻԶԵ-ՄԻՇԵԼ ՀԱՆԴԻՊՄԱՆԸ ՔՆՆԱՐԿՎԵՑԻՆ ՏԱՐԱԾԱՇՐՋԱՆԱՅԻՆ ԱՆՎՏԱՆԳՈՒԹՅԱՆ ՀԱՐՑԵՐ



Նույն օրը Բրյուսելում Վրաստանի վարչապետ Իրակլի Կոբախիձեի ու Եվրոպական խորհրդի նախագահ Շառլ Միշելի հանդիպման ընթացքում քննարկվեցին տարածաշրջանային անվտանգության, առկա մարտահրավերները լուծելու ուղիների, Եվրամիությանը Վրաստանի անդամակցության գործընթացն ու այդ ճանապարհին վրացական բարեփոխումների հարցերը:

Հանդիպմանը քննարկվեց նաեւ Վրաստանի քաղա-



քական իրավիճակը: Վարչապետի խոսքով, Վրաստանի կառավարությունն արդեն իրավեր է ուղարկել ԵԱՀԿ-ՄԻԳ ընտրությունների դիտորդական առաքելությանը, եւ կառավարությունը կապահովի ազատ, արդար եւ թափանցիկ ընտրություններ:

Վրաստանի օկուպացված տարածքներում առկա իրավիճակի քննարկմանը, Իրակլի Կոբախիձեն ընդգծեց ռուս-վրացական հակամարտության խաղաղ կարգավորման գործընթացում Եվրամիության առավել ակտիվ ներգրավման անհրաժեշտությունը:

ՎՐԱՍՏԱՆԻ ՀԱՄԱՐ ՆԱՏՕ-Ի ՀԵՏ ԳՈՐԾԸՆԿԵՐՈՒԹՅՈՒՆ ԱՌԱՋՆԱԿԻ ԿԱՐԵՎՈՐՈՒԹՅՈՒՆ Է

Բրյուսել կատարած այցի շրջանակներում, Վրաստանի վարչապետ Իրակլի Կոբախիձեն հանդիպում ունեցավ ՆԱՏՕ-ի գլխավոր քարտուղար Ենս Ստոլտենբերգի հետ:

Հանդիպմանը քննարկվեցին Վրաստան-ՆԱՏՕ համագործակցության խորացման հեռանկարները:

Վրաստանը ՆԱՏՕ-ի ամենամոտ եւ ամենահամատեղելի գործընկերն է: Իմ առաջին արտասահմանյան այցը Բրյուսել՝ որպես Վրաստանի նոր վարչապետ, եւս մեկ ակնհայտ ապացույց է, որ մենք առանձնահատուկ կարեւորություն ենք տալիս այս գործընկերությանը,- հայտարարեց Իրակլի Կոբախիձեն այլապես գլխավոր քարտուղարի հետ համատեղ մամլո ասուլիսին:

Իր հերթին, ՆԱՏՕ-ի գլխավոր քարտուղարը մշեց, որ Վրաստանը ՆԱՏՕ-ի մերձավոր գործընկերն է, եւ դաշինքը լիովին աջակցում է Վրաստանի ինքնիշխանությանն ու տարածքային ամբողջականությանը:

Վարչապետի գլխավորած կառավարական պատվիրակության կազմում էին առաջին փոխվարչապետ, Էկոնոմիկայի եւ կայուն զարգացման նախարար Լեւոն Դավիթաշվիլին, փոխվարչապետ, պաշտպանության նախարար Իրակլի Չիքովանին, արտաքին գործերի նախարար Իլիա Դարչիաշվիլին, հաշտեցման եւ քաղաքացիական իրավահավասարության հարցերով պետնախարար Թեա Ախվեղիանին:

ՀԱՆԴԻՊՈՒՄ

ՎՐԱՍՏԱՆԻ ԽՈՐՀՐԴԱՐԱՆԻ ՊԱՏՓԱՄԱՎՈՐՆԵՐՆ ՈՒ ԱԶԳԱՅԻՆ ՓՈՔՐԱՄԱՍՆՈՒԹՅՈՒՆՆԵՐԻ ՆԵՐԿԱՅԱՅՈՒԹՅՆԵՐԸ՝ ՌՈՒՄԹԱՎԻՈՒՄ

Փետրվարի 19-ին Ռուսթավի քաղաքապետ Նինո Լաքսիձեի եւ Քվեմո Քարթլիի տարածաշրջանի նահանգապետ Գիորգի Դոխտուրաշվիլու կազմակերպմամբ, Վրաստանի խորհրդարանի մարդու իրավունքների պաշտպանության եւ քաղաքացիական ինտեգրման կոմիտեի նախագահ Միխեիլ Սարքվելաձեն, Վրաստանի խորհրդարանի պատգամավորներ Սմբատ Կյուրեղյանը, Սամվել Մանուկյանը, Սավա-լան Միրզոխեյը, Ջաուր Դարգալին, Իրակլի Շատակիշվիլին եւ Իսկո Դասենը Ռուսթավիում հանդիպում ունեցան ազգային փոքրամասնությունների ներկայացուցիչների հետ:

Հանդիպումն անցկացվեց մարդու իրավունքների պաշտպանության եւ քաղաքացիական ինտեգրման խորհրդարանական կոմիտեի գործունեության ծրագրի շրջանակներում: Միխեիլ Սարքվելաձեն ներկայացրեց գործունեության ծրագրով նախատեսված առաջնահերթությունները, ու նրանցից տեղեկատվություն ստացավ գործունեության ծրագրում դրանք ներառելու հա-



մար:

Հանդիպմանը Ռուսթավի մունիցիպալիտետի քաղաքապետը եւ Քվեմո Քարթլիի նահանգապետը խոսեցին տարածաշրջանում ազգային փոքրամասնությունների ներգրավման ու ժողովրդական հնարավորությունների ու նախա-

ծեռնությունների մասին: Ելույթ ունեցան նաեւ «Վրաս-



տան» թերթի գլխավոր խմբագիր Վան Բայբուրջյանը, Վրաստանի կրթության նախարարության աշխատակցուհի Կարինե Մանուկյանը, Թբիլիսիի Պետրոս Ադամյանի անվան պետական թատրոնի գեղարվեստական ղեկավար Արմեն Բայանդուրյանը:

ՍԻՈՒՆ ԿԻԼԱԶԵ

Շաբաթից շաբաթ. Փաստեր եւ իրադարձություններ

ՀԱՂՈՐԴՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՅՆԵՐԸ

ՏԱՐԱԾԱՆԵՐԱՆ

ԱՄԱՆՔԱՆՔԻ. ԱՎԱՐՏՎԵՅԻՆ «ԳՅՈՒԴԻ ԱՅՍԿՈՒԹՅԱՆ ԾՐԱԳՐԻ» ՀՐԳԱՆԱԿՆԵՐՈՒՄ ՄԵԿ ԱՄԻՍ ՏԵՎԱԾ ՀԱՆԴԻՊՈՒՄՆԵՐԸ



«Գյուղի աջակցության ծրագիր 2024»-ի շրջանակներում, Ախալքալաքի մունիցիպալիտետում ավարտվեցին հանդիպումները: Նման կարգի վերջին հանդիպումներն անցկացվեցին Դիլիսկա, Չունջխա եւ Պտեմա գյուղերում: Հանդիպումներին մասնակցեցին Սամցխե-Ջավախեթի տարածաշրջանի նահանգապետի առաջին տեղակալ Դավիթ Վարդիաշվիլին, նախագծերի համակարգման տարածաշրջանային ծառայության ղեկավար Մարինա Գաչեչիլաձեն, Ախալքալաքի մունիցիպալիտետի քաղաքապետ Մելքոն Սակարյանը, քաղաքապետի առաջին տեղակալ Թեյմուրազ Մճեղիձեն, վարչական միավորներում քաղաքապետի վստահված անձինք եւ տեղական ինքնակառավարման ներկայացուցիչներ: Հանդիպումներին, բնակչության հետ երկխոսության ընթացքում, նրանք խոսեցին ենթակառուցվածքային նախագծերի մասին, որոնք նախատեսվում է իրականացնել մոտ ապագայում: Ծրագրի հիմնական առաջնահերթություններն արտաքին լուսավորության, ներքին ճանապարհների, խմելու եւ ոռոգման համակարգերի, դրենաժային ջրանցքների, պուրակների, սպորտային եւ խաղահրապարակների կառուցումն ու վերակառուցումն են: Հիշեցնենք, որ «Գյուղի աջակցության ծրագիր» շրջանակներում, Ախալքալաքի մունիցիպալիտետին հատկացվել է 922 000 լարի:

ԱՄԱՆՅԻՆԵ. ԲՆԱԿՈՒԹՅՈՒՆԸ ԿԱՆԽԱԳԾԵՑ ԱՌԱՅՆԱԶԵՐԹՈՒԹՅՈՒՆՆԵՐԸ

Ախալցխի մունցիպալիտետի գյուղերում ավարտվեցին «Գյուղի աջակցության» ծրագրի շրջանակներում

անցկացվող հանդիպումները: Մունիցիպալիտետի բնակավայրերում քաղաքապետ Իրակլի Լազարաշվիլու, սակրեբուլոյի նախագահ Դավիթ Լոմիձեի, նախագահի առաջին տեղակալ Դավիթ Տաբատաձեի, տեղական ինքնակառավարման մարմինների մյուս ներկայացուցիչների մասնակցությամբ անցկացված հանդիպումներում բնակչությունը կանխագծեց առաջնահերթությունները, որոնք կարգավորվելու են վերոնշյալ ծրագրի շրջանակներում:



Նշենք, որ 2024 թվականին «Գյուղի աջակցության ծրագիր» շրջանակներում, Ախալցխի մունիցիպալիտետը կենտրոնական բյուջեից ստացել է 612 հազար լարի եւ, դրան ավելացնելով տեղական բյուջեից գումարներ, մունիցիպալիտետի 46 բնակավայրերում իրականացնելու է ենթակառուցային նախագծեր:

ՆԻՆՈՇՄԻՆՂԱԿԱՆ ԱՆՅԿԱՅՎԵՑ ԶՆԵ ԲԱՆՈՒՄՆԵՐԻ ՑՈՒՅԱՀԱՆՂԵՍ-ՄՐՅՈՒՅԹ

Նինոծմինդայի քաղաքապետարանի մշակույթի ծառայության կողմից կազմակերպված ծյան քանդակների ցուցահանդես-մրցույթին մասնակցեցին Նինոծմինդայի



թիվ, թիվ 1, 2, 3, Մեծ Գոնդրիոյի, Գանձայի թիվ 2, Հեշտիայի թիվ 2, Մեծ Խանջալիի եւ Օրոշալարի հանրակրթական դպրոցների աշակերտները: Մասնակիցները ծյունից պատրաստեցին տարբեր թե-

մաներով պատկերներ: Նինոծմինդայի մշակույթի տան բակում անցկացված ցուցահանդես-մրցույթի հաղթողներ ճանաչվեցին Նինոծմինդայի թիվ 3 դպրոցը, Գանձայի թիվ 2 հանրակրթական ու Մեծ Գոնդրիոյի հանրակրթական դպրոցները: Նինոծմինդայի մունիցիպալիտետի քաղաքապետարանը հաղթողներին հանձնեց հուշանվերներ ու պատվոգրեր:

ԱՄԱՆՅԻՆԵԻՆ ԿՄՊԱՍԱՐԿԻ 18 ՆՈՐ ԱՎՏՈՐՈՒՄ

Վրաստանի կառավարության աջակցությամբ, Ախալցխի մունիցիպալիտետին է փոխանցվել ժամանակակից չափորոշիչներով հանդերձավորված 18 նոր ավտոբուս:

Մոտ ժամանակներս, Ախալցխի եւ մունիցիպալիտետի գյուղերի բնակիչներին կսպասարկի եվրոպական



չափորոշիչներով 18 նոր ավտոբուս: Նոր ստացած ավտոբուսներն ընդունեցին Սամցխե-Ջավախեթի տարածաշրջանում պետական լիազոր-նահանգապետ Բեսիկ Ամիրանաշվիլին, Վրաստանի խորհրդարանի մեծամասնական պատգամավոր Անտոն Օթոլաշվիլին, Ախալցխի մունիցիպալիտետի քաղաքապետ Իրակլի Լազարաշվիլին, սակրեբուլոյի նախագահ Դավիթ Լոմիձեն, երկրամասային վարչության եւ տեղական ինքնակառավարման ներկայացուցիչները: Հիշեցնենք, որ Վրաստանի կառավարությունը ընդունել է որոշում երկրի ողջ արածքում նորացնել ավտոտրանսպորտային պարկը: Կենտրոնական եւ տեղական բյուջեներից ֆինանսավորվող այդ միջոցառման արդյունքում, երկրի 38 մունիցիպալիտետի համար կառանձնացվի 154 միավոր 8 մետրանոց ավտոբուս:

Պատրաստեց ԱՐԵՎԻԿԱ ՄԱՆՈՒԿՅԱՆԸ

ԽՈՐՀՐԴԱՐԱՆ

ՀԱԼՎԱ ՊԱՊՈՒԱՇՎԻԼԻ. «ԻՇԽԱՆՈՒԹՅՈՒՆՆԵՐԻ ԱՄԵՆ ԻՆՉ ԱՐԵՅԻՆ ՀԱՄԱՋԱՐԱԿԸ, ՊԱՏԵՐԱԶՄԸ, ԱՐՄԱՏԱԿԱՆՈՒԹՅՈՒՆԸ ԶԵՉՈՔԱՅՆԵԼՈՒ ՀԱՄԱՐ»

(Սկիզբը՝ 1-ին էջում)

- Բարեբախտաբար, Վրաստանի կառավարությունն արել է ամեն ինչ՝ չեզոքացնելու բոլոր երեք մեծ սպառնալիքները՝ համաճարակը, պատերազմը եւ արմատականությունը: Ավելին, մենք դիմակայեցինք այս մեծ մարտահրավերներին՝ չզոհաբերելով մեր ժողովրդավարական ձեռքբերումները, պահպանեցինք խաղաղությունը ու անվտանգությունը, օգնեցինք մեր եղբայր ուկրաինացի ժողովրդին, հնարավորինս հոգացինք մեր բնակչության առողջության եւ բարեկեցության մասին ու

հասանք պատմական հաջողության Վրաստանի եվրաինտեգրման ճանապարհին: Սա այն պատմական ձեռքբերումն ու ժառանգությունն է, որին հասել է մեր կառավարությունը՝ նկատի ունենալով մեր ժողովրդի լավագույն շահերը: Սրանք այն ձեռքբերումներն են, որոնց շնորհիվ մենք առաջիկա ընտրություններից առաջ ունենք բնակչության անմախաղեպ աջակցությունը, - ասաց Վրաստանի խորհրդարանի նախագահը:

Խորհրդարանի նախագահը մանրամասն ներկայացրեց 10-րդ գումարման խորհրդարանի կողմից հաշվետու ժա-

մանակահատվածում ընդունած օրինամախաղեքը՝ ընդգծելով, որ այդ ուղղությամբ իրականացված աշխատանքը հիմնականում հետապնդում էր վրացական օրենսդրությունը եվրոպական մերձեցնելու նպատակ: Եվ՝ որպես իրականացված աշխատանքի բարձր գնահատական, Հալվա Պապուաշվիլին նշեց Եվրամիության կողմից Վրաստանին թեկնածուի կարգավիճակի շնորհումն ու Եվրահանձնաժողովի կողմից ներկայացված ինը առաջնահերթությունների կատարման ուղղությամբ երկրի իշխանությունների կողմից գործադրած ջանքերը:



ԿՈՒՏԱԿԱՅԻՆ ԿԵՆՍԱԹՈՇԱԿԱՅԻՆ ՍԽԵՄԱՆ ԸՆԴԳՐԿՈՒՄ Է ՀՈՒՐԶ ՄԵԿՈՒԿԵՍ ՄԻԼԻՈՆ ՄԱՍՆԱԿԻՑ

Կենսաթոշակային գործակալության տարածած հաղորդագրության համաձայն, 2024 թվականի հունվարի 31-ի դրությամբ, կուտակային կենսաթոշակային սխեմայի մասնակիցների թիվը կազմում է մեկ միլիոն 489 հազար մարդ:

Գործակալության վիճակագրական տվյալների համաձայն, զուտ վաճառքը կազմել է 896 մլն լարի:

«2024 թվականի հունվարի 31-ի դրությամբ, կուտակային կենսաթոշակից օգտվել է տարբեր կատեգորիաների 7 583 անձ, նրանց՝ որպես կենսաթոշակ, վճարվել է 23 444 406,29 լարի», - նշված է Կենսաթոշակային գործակալության հաղորդագրության մեջ:

ՏԱՐԱԴՐԱՄԻ ՓՈԽԱՆԱԿՄԱՆ ԿՈՒՐՍԸ (23 փետրվարի)

Ազգային բանկի կողմից սահմանվել է տարադրամի հետեւյալ կուրսը.

Տարադրամ	Լարի
1 ԱՄՆ ԴՈԼԱՐ	2.6505
1 ԵՎՐՈ	2.8774
100 ՌՈՒՔԼԻ	2.8419
1000 ԴՐԱՄ	6.5704

ՆԱԽԱԳԱՐԻ ՎԵՏՈՆ, ԸՆՏՐԱԿԱՆ ՕՐԵՆՍԳՐԷԻ ՓՈՓՈԽՈՒԹՅՈՒՆՆԵՐԻ ՆԱԽԱԳԾԻ ՎՐԱ, ԽՈՐՀՐԴԱՐԱՆԻ ԿՈՂՄԻՑ ՀԱՂԹԱՀԱՐԵԼԻ Է

Վրաստանի նախագահ Սալոմե Ջուրաբիշվիլին մտադիր է վետո դնել «Ընտրական օրենսգրքի» փոփոխությունների օրինագծի վրա, օրինագիծ, որը փետրվարի 20-ին ընդունվեց խորհրդարանի կողմից երրորդ՝ վերջնական ընթերցմամբ:

Ինչպես հայտնեցին Վրաստանի նախագահի վարչակազմից, ընտրական օրենսգրքում կատարված փոփոխությունները հակասում են ե՛ւ Վեցետիկի հանձնաժողովի, ե՛ւ Եվրամիության 9 առաջարկություններին եւ հարմարեցվել են իշխող կուսակցության քաղաքական շահերին:

Նշենք, որ խորհրդարանի կողմից ընդունված օրենսդրական փոփոխություններն ուժի մեջ մտնելու համար անհրաժեշտ է նախագահի ստորագրությունը: Վրաստանի սահմանադրության համաձայն, խորհրդարանի ընդունած օրենքը 10 օրվա ընթացքում պետք է ներկայացվի Վրաստանի նախագա-

հին, ով Օրենքը ստորագրում եւ հրապարակում է 2 շաբաթվա ընթացքում կամ մոտիվացված դիտողություններով վերադարձնում է խորհրդարան:

Խորհրդարանում նախագահի վետոն վերացնելու համար անհրաժեշտ է նույնքան ձայն, որքան օրինագծի ընդունման ժամանակ է եղել:

Նշենք, որ օրինամախաղից նախաձեռնող «Վրացական երազանքը» որոշել է փոփոխություններ կատարել «Ընտրական օրենսգրքում» նրանից հետո, երբ խորհրդարանը, չնայած բազմաթիվ փորձերի, չկարողացավ ընտրել ԿԸՀ նախագահ:

ՄԱՅՐԵՆԻ ԼԵԶՎԻ ՕՐ

«ՄԱՅՐԵՆԻ ԼԵԶՎԻ ՄԻԶԱԶԳԱՅԻՆ ՕՐՎԱ» ԱՌԻԹՈՎ ՊԱՐԳԵՎՆԵՐ՝ ԳԻՎԻ ՀԱՂՆԱԶԱՐԻՆ ՈՒ ՎԱՆ ԲԱՅԲՈՒԹՅԱՆԻՆ

(Սկիզբը՝ 1-ին էջում)

այստեղ ապրող տարբեր ազգերի ներկայացուցիչները, եւ նրանց պարգևատրոււմը ինձ համար մեծ պատիվ է,- բացելով «Մայրենի լեզվի միջազգային օրվան» նվիրված միջոցառումը,- հայտարարեց



Թբիլիսիի սակրեբուլոյի նախագահ Գիրգի Տղեմալաձեն:

Հանդիսավոր միջոցառմանը ելույթ ունեցան նաեւ սակրեբուլոյի կրթության եւ մշակույթի հանձնաժողովի նախագահ Կախա Լաբուշիձեն, պետական լեզվի դեպարտամենտի նախագահ Գիրգի Ալիբեգաշվիլին, հաշտեցման եւ քաղաքացիական իրավահավասարության հարցերով պետնախարարի տեղակալ Լիա Գիգաուրին, Թբիլիսիի պետական համալսարանի պրոֆեսոր Կախա Ճեիշվիլին, պրոֆեսոր Թինա Բոլքվաձեն:

«Մայրենի լեզվի միջազգային օրվա» կապակցությամբ, ազգային ինքնության, մայրենի լեզվի, ազգային ավանդույթների եւ սովորույթների պահպանման, քա-

ղաքացիական ինտեգրման գործում ներդրած մեծ ավանդի համար պարգևատրվեց Թբիլիսիի պատվավոր քաղաքացի, հասարակական-քաղաքական ծանաչված գործիչ Վան Բայբությանը: Պարգևատրվածների թվում էին նաեւ հայտնի բանաստեղծ-թարգմանիչ, Վրաստանի եւ Հայաստանի գրական միջառնակների դափնեկիր Գիվի Շահնազարը (ծանր հիվանդության պատճառով միջոցառմանը ներկա չէր), Գուրամ Բաթիաշվիլին, Մզիա Խեթագուրին, Նատալյա Տրոխիմին, Նաիրա Մարշանյան, ուրիշներ:

Նույն օրը, «Մայրենի լեզվի միջազգային օրվա» կապակցությամբ, Վրաստանի ժողովրդական պաշտպանին առընթեր գործող ազգային փոքրամասնությունների խորհուրդը պետական լեզվի դեպարտամենտի հետ համագործակցությամբ, Վրաստանի ազգային բազմերանգության պաշտպանության եւ զարգացման աջակցության նպատակով, կազմակերպեց հանդիպում, որտեղ քննարկվեցին Վրաստանում ազգային բազմերանգության պաշտպանության եւ զարգացման առջեւ ծառացած մարտահրավերներն ու դրանց հաղթահարման ուղիները, խոսեցին փոքրաքանակ ազգերի լեզուների ուսուցման, ուսումնասիրության եւ տարածման հիմնախնդիրների, ազգային փոքրամասնությունների լեզուների ուսուցման հետ կապված իրավիճակի ու առկա պրակտիկայի մասին:

Միջոցառմանը ելույթ ունեցան Վրաստանի ժողովրդական պաշտպան Լեւան Իոսելիանին, պետական լեզվի դեպարտամենտի նախագահ Գիրգի Ալիբեգաշ-



վիլին, հաշտեցման եւ քաղաքացիական իրավահավասարության հարցերով պետնախարարի տեղակալ Լիա Գիգաուրին, կրթության, գիտության եւ երիտասարդության փոխնախարար Թամար Մախարաշվիլին, Վրաստանի խորհրդարանի կրթության, գիտության եւ երիտասարդության գործերով կոմիտեի փոխնախագահ Բայա Կվիցիան:

Միջոցառմանը, որին ներկա էին Վրաստանի խորհրդարանի, կառավարության, բարձրագույն ուսումնական հաստատությունների ոչ կառավարական կազմակերպությունների եւ ազգային փոքրամասնությունների ներկայացուցիչները, անցկացվեց Վրաստանի ժողովրդական պաշտպանի առընթեր ազգային փոքրամասնությունների խորհրդի կողմից լեզվի եւ գրականության աչքի ընկած ուսուցիչների պարգևատրման արարողությունը: Խորհր-

դի կողմից պարգևատրված ուսուցիչների թվում էին Ախալքալաքի թիվ 4 հանրային դպրոցի ուսուցչուհի Արուսյակ Սուքիասյանը եւ Նինոծմինդայի մունիցիպալիտետի Գորելովկայի թիվ 1 հանրային դպրոցի ուսուցչուհի Տատյանա Կարեւան:

«Մայրենի լեզվի միջազգային օրվան» նվիրված վերոնշյալ միջոցառումն անցկացվեց Վրաստանի ժողովրդական պաշտպանին առընթեր ազգային փոքրամասնությունների խորհրդի նախաձեռնությամբ, ԱՄՆ-ի միջազգային զարգացման գործակալության (USAID)-ի «Միասնությունը բազմերանգության մեջ է» ծրագրի աջակցությամբ, որը իրականացնում է Վրաստանի ՄԱԿ-ի ասոցիացիան:

ՄԻՐԱՆՂԱ ՕԳԱՆԵԶՈՎԱ

Վրաստանում «Կոմսոմոլսկայա պրավդա» թերթի թղթակից, հատուկ «Վրաստանի» համար

1999 թվականից փետրվարի 21-ը ՅՈՒՆԵՍԿՕ-ի կողմից հռչակվել է «Մայրենի լեզվի օր» եւ հետապնդում է լեզվական ու մշակութային բազմերանգության պահպանման, զարգացման ու խրախուսման նպատակ: Այն նշվում է ողջ աշխարհում: Վրաստանում «Մայրենի լեզվի օրը» պաշտոնապես նշվում է 2005 թվականից:

ԱՌՈՂՋԱՊԱՐԿՈՒԹՅՈՒՆ

ԶԱՎԱԽԵԹԻՈՒՄ ԱՐԴԵՆ ԳՈՐԾՈՒՄ Ե ԴԻԱԼԵԶԻ ԿԵՆՏՐՈՆ

Ինչպես արդեն հաղորդել ենք, Վրաստանի 10 մունիցիպալիտետներում, այդ թվում՝ Ախալքալաքիում, արդեն երկրորդ ամիսն է, ինչ իրականացվում է դիալեզի ծրագիրը: Հաղորդագրության մեջ նշված է, որ 2022 թվականի ապրիլից Վրաստանի առողջապահության նախարարության կողմից նախաձեռնած դիալեզի ծրագրով, ներկա դրությամբ, երկրի 49 քաղաքային ստորաբաժանումների դիալեզի կենտրոններն ամեն օր սպասարկում են 2600 պացիենտի:

Հաղորդագրության հրապարակումից հետո, մեկ շաբաթվա ընթացքում խմբագրության էլեկտրոնային փոստով ստացվող նամակները հստակ ցույց են տալիս վերոնշյալ հիմնախնդրի հրատապությունն ու կարեւորությունը: Եվ դա հասկանալի է, քանի որ, օրինակ, Ախալքալաքիի եւ Նինոծմինդայի մունիցիպալիտետների երիկամների հիվանդություններով տառապող հիվանդները ստիպված էին մեկնել Ախալցխի կամ Թբիլիսիի համապատասխան բժշկական սպասարկում ստանալու համար:

Ախալքալաքիում դիալեզի ծրագրով կենտրոնի բացման կապակցությամբ, մենք կապվեցինք «Վրաստանի կլինիկաներ. Ախալքալաքիի հոսպիտալի» տնօրեն Ալեքսան Թորոյանի հետ:

- Ձեզ կարող ենք շնորհավորել Ախալքալաքիի եւ Նինոծմինդայի մունիցիպալիտետների բնակիչների համար այդքան նշանակալից կենտրոնի բացման կապակցությամբ:

- Իրոք, դա շնորհավորանքի արժանի իրադարձություն է, քանի որ մեր տարածաշրջանին տարիներ շարունակ անհանգստացնող մի շատ կարեւոր ու ցավալի հարց 2023 թվականի դեկտեմբերի 19-ին վերջապես իր դրական լուծումն ստացավ: Ախալքալաքիի եւ ոչ միայն Ախալքալաքիի մունիցիպալիտետի բնակիչներին սկսել ենք մատուցել հիվանդներին երիկամների դիալեզի ծառայությունը:

- Իսկ ինչո՞վ էր պայմանավորված հարցի կարգավորման ձգձգումը:

- Դժվար է ասել: Պետք է նշեն, որ այս հարցով զբաղված էի մոտ 3-4 տարի, ընդհուպ պատրաստի ունեինք նախագիծ, հաշիվ հաշվարկ, բայց սայլը տեղից չէր շարժվում՝ ելնելով տարբեր բնույթի օբյեկտիվ եւ ոչ օբյեկտիվ պատճառաբանություններից:

Հարցի կարգավորմանը մեծապես նպաստեց շատ կարեւոր մի հանգամանք. 2023 թվականի նոյեմբեր ամսից մեր համակարգում տեղի ունեցած փոփոխությունների արդյունքում ունեցանք նոր դեկավարություն՝ Ձուրաք Քիտոշվիլու գլխավորու-

թյամբ, եւ դրանից հետո, ընդամենը երկու շաբաթվա ընթացքում, մենք բացեցինք այդ սպասարկումը, եւ որի համար ուզում են իմ եւ մեր բնակիչների անունից շնորհակալություն հայտնել: Ավելին ասեն, նա խոստացել է եւ պատրաստ է մեր կենտրոնը հագեցնել նոր սարքավորումներով եւ մահճակալներով:

- Արդեն երկու ամիս է, ինչ Ախալքալաքիում գործում է դիալեզի կենտրոնը: Ի՞նչ ծանրաբեռնվածությամբ եք աշխատում:

- Ներկա դրությամբ, սպասարկում ենք 8 հիվանդի, ունենք մոտավորապես 25 հիվանդ, ովքեր դեռեւս համապատասխան սպասարկումն ստանալու համար շաբաթական երեք անգամ մեկնում են Ախալցխի...

Ինչ վերաբերում է ծանրաբեռնվածությանը, ապա իրեն զգացնել է տալիս հմուտ, փորձառու, արհեստավարժ բժիշկների նշանակալի պակասը: Հիմա զբաղված ենք բժիշկների վերապատրաստման գործով, թեւեւ այստեղ ունենք բազմաթիվ խոչընդոտներ: Ինչպես գիտեք, Ախալքալաքի եւ Նինոծմինդան գտնվում են մայրաքաղաքից 180-200 կմ հեռավորության վրա, իսկ ծննդանը, Ծալկայով շրջանցիկ ճանապարհը 300 կմ է: Գործիմաց բժիշկների խիստ պակաս ունենք, հազիվ ենք

կարողանում մատուցել բոլոր ծառայությունները: Ըստ երեւույթին, հարցի կարգավորման համար դիմել ենք Վրաստանի կառավարությանն ու խորհրդարանին, ակտիվորեն ներգրավվել է Վրաստանի խորհրդարանի Ախալքալաքիի եւ Նինոծմինդայի մեծամասնական պատգամավոր Սամվել Մամուկյանը, որպեսզի հնարավորինս աջակցեն մեզ այս հարցում, թույլ տան վերապատրաստել ընտանեկան եւ ընդհանուր պրոֆիլի բժիշկների, որոնք ունեն համապատասխան սերտիֆիկատներ՝ որպես նյարդաբաններ, քանի որ հիմա ստիպված ենք ժամանակավորապես օգտվել Ախալցխից ժամանող բժիշկների ծառայությունից: Սա շատ զգայուն, կարեւոր հարց է մեր տարածաշրջանի համար:

- Որքանով տեղեկացված ենք, դիալեզի կենտրոնների մատուցած ծառայություններն անվճար են երկրի քաղաքացիների համար: Սակայն, գիտե՞ք մա-ն, որ Ախալքալաքիի եւ Նինոծմինդայի մունիցիպալիտետների բնակիչների թվում նշանակալից է երկաթաղաքացիություն (Վրաստանի հետ միասին՝ Հայաստանի կամ Ռուսաստանի) կամ ժամանակավոր կացության քարտեր ունեցողների թիվը: Այդ առումով, ինչպե՞ս է կար-



գավորվում ծառայությունների մատուցման հարցը:

- Դուք շոշափեցիք ամենացավալի եւ, կասեի, իրատապ կարգավորում պահանջող հարց: Իրոք, մեր մունիցիպալիտետում, օրինակ, բավական մեծ է երկքաղաքացիություն կամ ժամանակավոր կացության քարտ ունեցողների թիվը: Նման իրավիճակում են նաեւ դիալեզով տառապողներից շատերը: Նրանց համար մատուցվող այս ծառայությունը վճարովի է, թեեւ շատերն ուղղակի ի վիճակի չեն այն վճարել: Գտնվում ենք ծանր վիճակում, անհրաժեշտ է որեւէ կերպ հարցը կարգավորել: Հավատում ենք, որ առողջապահության նախարարությունը, մյուս համապատասխան գերատեսչությունները քայլեր կձեռնարկեն հարցի կարգավորման համար:

ՅՈՒՐԻ ՊՈՂՈՍՅԱՆ